



KO TE

## KAHITI O NIU TIRENI.

HE MEA TA I RUNGA I TE MANA O TE KAWANATANGA.

PONEKE, TAITE, APERIRA 16, 1908.

*Kapenga Whenua kia kauhā e pangia e ngā tikanga o Tekiona 117 o "Te Ture Kooti Whenua Maori, 1894."*

PLUNKET, Kawana.

OTA A TE KAUNIHERA.

I te Tari o te Kawanatanga, i Poneke, i tenei te wha o ngā ra o Aperira, 1908.

Tu ana i reira :

KO TE HONORE W. HALL-JONES HEI TUMUAKI MO TE KAUNIHERA.

**N**OTEMEA i raro i ngā tikanga o tekiona whā o "Te Ture Whakaitatika i ngā Ture Whenua Maori, 1895," kua meinga hei Ture, ka ahei te Kawana i runga i te Ota a tona Kaunihera, ki te kape atu kia kauhā e pangia e ngā tikanga o te tekiona tahi rau tahi-tekau-ma-whitu o "Te Ture Kooti Whenua Maori, 1894" (ka kīia i muri ake nei ko "taua Ture"), mo tetahi wa poto, wa roa ranei, i runga ano i ngā ritenga me ngā tikanga me ngā here e ata whakaaturia ana i roto i taua ota, tetahi whenua, tetahi paanga, whai-taketanga ranei ahakoa kei hea e takoto ana, e ekengia ana e te mana o taua tekiona; a ka ahei hoki ia ki te kape pera atu i tetahi whenua mo te taha anake ki te tangata kei a ia e riihi ana taua whenua, mo tetahi atu tangata ranei e noho whai-tikanga ana i runga i tetahi whenua kua whakapaia e ia, kua utua ranei e ia he moni ki ngā tangata Maori no ratou taua whenua hei riihi hei hoko ranei i taua whenua i mua atu i te mananga o taua Ture: Engari kauhā te Ota a te Kaunihera i whakaputaina i raro i ngā tikanga o tenei tekiona, e whai mana kia pau ra ano ngā marama e rua i muri iho i te ra i panuitia ai i roto i te *Gazette*: Engari hoki ko ia tuku i mahia i whakaotia ranei i raro i ngā tikanga o tenei tekiona me ata whakamana e te Kooti i raro i ngā tikanga o te rima-tekau-ma-toru o ngā tekiona o taua Ture:

A notemea kua puta te kupu a te Poari Takiwa Whenua Maori o Aotea, i te tekau-ma-waru o ngā ra o Hēpetema, kotahi mano e iwa rau ma whitu, i tae mai nei i te tekau-ma-ono o ngā ra o Oketopa, kotahi mano e iwa rau ma whitu, whakaatu mai ki te Kawana, he mea pai kia kapea tera poraka tera wahi whenua ranei e ata whakaaturia nei i roto i te Kupu Apiti ki tenei, kia kauhā ai e pangia e ngā tikanga o tekiona tahi rau tahi-tekau-ma-whitu o "Te Ture Kooti Whenua Maori, 1894," he mea kia taea ai taua whenua te riihi mo etahi tau kauhā e maha atu i te wha-tekau-ma-rua:

Na reira, ko His Excellency te Kawana o te Tomioniona o Niu Tirenī, i runga i te whakahaerenga me te whakatutukitanga i ngā kaha me ngā mana kua whakawhiwhia nei ki a ia e tekiona whā o "Te Ture Whakaitatika i ngā Ture Whenua Maori, 1895," i runga hoki i te kupu tohutohu me te kupu whakaae a te Kaunihera Whiriwhiri o taua Tomioniona, tenei ka kape kia kauhā ai e tau ngā tikanga o tekiona tahi rau tahi-tekau-ma-whitu o "Te Ture Kooti Whenua Maori, 1894," ki runga ki taua whenua, he mea kia taea ai taua whenua te riihi mo ngā tau e rua-tekau-ma-tahi.

## KUPU APITI.

**K**AHOA tera pihi tera wahi whenua ranei kei roto i te Takiwa Ruri o Hautapu e takoto ana, tona nui e 407 ngā eka, nui ake iti iho ranei, ara ko tetahi wahi o te poraka whenua e mohiotia ana ko Awarua 4c Nama 9r, kei te taha rato o te Rori Nui (Main Road) me te Reriwe Iwituaroa (Main Trunk Railway)—haunga ia a ka kapea ki waho o taua wahi o taua poraka etahi eka, ara e 7 ngā eka 19 ngā paati kei te koko rawhiti-ma-raki o taua poraka e takoto ana. A koia enei ngā rohe: Timata i te wahi e pa ana taua poraka ki te Rori Nui, ki te taha raki me te rawhiti-ma-raki ko te Rori Nui, e 752·8 riniki; ki te rawhiti-ma-tonga ko tetahi wahi o Awarua 4c Nama 9r, 1246·2 riniki; ki te rato-ma-tonga ko tetahi wahi ano o Awarua 4c Nama 9r, e 556 riniki, ka baere ka tae ki te wahi i timata ai; a ki te rato-ma-raki ko Awarua 4c Nama 10, e 897·7 riniki; e whakaaturia nei ana rohe e ngā taipapa kei ruunga e tu ana—ara ko tetahi wahi o te whenua kua uru ki roto ki te ota wawahanga a te Kooti Whenua Maori, i tuhia i te 18 o ngā ra o Hanuere, 1899, a i whakaputaina ki a Utiku Potaka.

ALEX. WILLIS,

Karaka o te Kaunihera Whiriwhiri.

*Wewete Here e arai ana i te Tuku o tetahi Whenua Maori.*

PLUNKET, Kawana.

**N**OTEMEA i raro i nga tikanga o tekiona tekau-ma-wha o "Te Ture Whakatikatika i nga Ture Whenua Maori, 1903," kua meinga hei Ture, ahakoa te takotoketanga o tetahi kupu i roto i tetahi Ture, i roto i tetahi Karauna karaati, i tetahi atu tu taitara ranei, ka ahei te Kawana i runga i te kupu tohutohu a te Poari, ki te wewete i te here e arai ana i te tuku o tetahi whenua Maori: Engari ko te whakataua a te Kawana mo runga mo tetahi kupu tohutohu a te Poari me tuku atu i roto i nga marama e ono o muri tata o te ra i tae atu ai ki a ia taua kupu tohutohu atu a te Poari:

A notemea i puta te kupu a te Poari Takiwa Whenua Maori o Aotea, i mahia i whakaaetia e taua Poari i te tekau-ma-warua o nga ra o Hepetema, kotahi mano e iwa rau ma whitu, i tae mai nei i te tekau-ma-ono o nga ra o Oketopa, kotahi mano e iwa rau ma whitu, whakaaatu mai ki te Kawana, he mea pai kia wetekia kia whakakorea nga here e mau nei i roto i te taitara o te poraka whenua e ata whakaaetia nei i roto i te Kupu Apiti ki tenei, he mea kia taea ai taua whenua te rihi:

Na reira, ko au, ko William Lee, Baron Plunket, te Kawana o te Koroni o Niu Tireni, i runga i te whakahaerenga me te whakatutukitanga i nga mana kua whakawhiwhia kua whakataua nei ki au e taua Ture, me era atu mana katoa e ahei ai au te pera, a i runga hoki i te kupu whakaaatu mai a taua Poari Takiwa Whenua Maori o Aotea, tenei ka wewete ka whakakore i nga here e arai nei i te tuku o taua whenua, he mea kia taea ai taua whenua te rihi mo etahi tau kua e maha atu i te wha-tekau-ma-rua.

KUPU APITI.

KATOA tera pihi tera wahi whenua ranei kei roto i te Takiwa Ruri o Hautapu e takoto ana, tona nui e 467 nga eka, nui ake iti iho ranei, ara ko tetahi wahi o te poraka whenua e mohiotia ana ko Awarua 4c Nama 9f, kei te taha ratou o te Rori Nui (Main Road) me te Reriwe Iwituaroa (Main Trunk Railway)—haunga ia a ka kapea ki waho o taua wahi o taua poraka etahi eka, ara e 7 nga eka 19 nga paati, kei te koko rawhiti-ma-raki o taua poraka e takoto ana. A koia enei nga rohe: Timata i te wahi e pa ana taua poraka ki te Rori Nui, ki te taha raki me te rawhiti-ma-raki ko te Rori Nui, e 752.8 riniki; ki te rawhiti-ma-tonga ko tetahi taha o Awarua 4c Nama 9f, 1246.2 riniki; ki te rato-ma-tonga ko tetahi wahi ano o Awarua 4c Nama 9f, e 556 riniki, ka haere ka tae ki te wahi i timata ai; a ki te rato-ma-raki ko Awarua 4c Nama 10, e 897.7 riniki: e whakaaetia nei aua rohe o nga taiapa kei runga e tu ana—ara ko tetahi wahi o te whenua kua uru ki roto ki te ota wawahanga e te Kooti Whenua Maori, i tuhia i te 18 o nga ra o Hanuere, 1899, a i whakaputaina ki a Utiku Potaka, me te mau i roto o taua ota wawahanga te here ko te whenua kua uru ki roto ki taua ota—"Kaore e taea te tuku."

Ina hoki te ringa o His Excellency te Kawana, i tuhia i tenei te wha o nga ra o Aperira, kotahi mano e iwa rau ma waru.

JAMES MCGOWAN,  
Mo te Minita mo te Taha Maori.

## PANUITANGA KOOTI WHENUA MAORI.

*Pitihana Whakakaporeihana a nga Tangata no ratou a Tauwharetoi Nama 1d Poraka.*

I ROTO I TE KOOTI WHENUA MAORI O NIU TIRENI, TAKIWA O KIHIPANE.

Mo runga i "Te Ture Kooti Whenua Maori, 1894," me ona whakatikatika, me te pitihana whakakaporeihana a nga tangata no ratou a Tauwharetoi Nama 1d Poraka. I te tuunga o te Kooti ki Kihipane, i te aroaro o Ropata Nopera Tione, Tiati, raua ko Hapi Kiniha, Ateha, i te Hatarei, te 28 o nga ra o Maehe, 1908.

**I** TE korerotanga o te pitihana whakakaporeihana i takoto ki te Kooti, i te whakarongotanga ki nga whai-korero a Pita te Hau, mo nga kai-pitihana, me nga kupu i whakina mo te taha ki a ratou, me te mohio o te Kooti kei te whakaae te nuinga o nga tangata, a e taea hoki te whakahaere taua poraka i runga i te tikanga e puta ai he painga ki nga tangata no ratou taua pihi ki te whakakaporeihanatia ratou tenei ka whakahaua ko nga tangata no ratou te whenua e mau nei o ratou ingoa i roto i te Kupu Apiti e mau i raro iho nei me tu ratou hei hunga kaporeihana i raro i nga tikanga o tekiona 122 o "Te Ture Kooti Whenua Maori, 1894," a ka mohiotia he ingoa mo ratou ko "Nga Tangata no ratou a Tauwharetoi Nama 1d Poraka," haunga ia nga tukunga nga araitanga kua whakataua e taua Ture me ona whakatikatika ranei, ka whai-mana tonu era. Ko te rahi o taua whenua e 291 eka e 3 ruuri e 25 paati, nui ake iti iho ranei. Ko ona rohe e whai ake nei: Ki te raki ko Whenua Kawanatanga Nama 18, e 747 nga eka; ki te rawhiti ko te Whenua Kawanatanga Nama 22, e 609 nga eka 2 nga ruuri e 35 nga paati; ki te tonga ko te Awa o Ilangaroa; a ki te hauauru ko te Whenua Kawanatanga Nama 35, e 5,000 nga eka.

A tenei ka whakataua ko te wahi hei tuunga mo te hui nui o nga tangata no ratou taua poraka ko te Whare Kooti Whenua Maori, Kihipane, a te Hatarei, te 2 o nga ra o Mei, 1908, i te 11 o nga haora i te awatea, hei whakaingoa i tetahi komiti hei whakahaere i taua whenua, ki te whakataua hoki i te tokomaha o aua mema.

A tenei ano ka whakataua me whai-mana te komiti ki te utu i nga utu tika i nga raruraru i pau i runga i tenei whakakaporeihanatanga a me pa ki te taitara o taua whenua e whakahaeretia nei e te kaporeihana i whakahuatia i runga ake nei, nga take, nga tukunga, nga taumabatanga, me nga whakariteritenga hoki e pa ana ki reira.

Hei tohu mo tenei ka whakapiria te hiiri o taua Kooti i te ra me te tau i whakahuatia i runga ake nei.

R. N. JONES, Tiati.

TE KUPU APITI E KIIA AKE NEI.

TAUWHARETOI NAMA 1D PORAKA.

Wi Wharekino.	Matene Kaipau.	Erana Whakirangi.	Tipuna Riki.
Hoani Matiaha.	Paora Karori.	Tamati Marutu.	Naho Wehi.
William Greene.	Rina Wairama.	Mere Karaka.	Ripeke Nekeneke.
Heni te Iriwaho.	Rapata Whakapuhia.	Teto.	Hine Matiora Purewa.
Peta Hape.	Te Moana Akiwa.	Piwara.	Raharuhi te Horua.
Harata Wharekino.	Te Tuatini.	Kiwa Riki.	Keriana Kiwa.
Hemi.	Perohuka.	Hereripene Riki.	Rina Riki.
Hohepa Tutewhau.	Te Whare Herehere.	Keta Riki.	Himiona Tipuna.
Rutene te Eke.	Wiremu te Purewa.	Mere Riki.	Hera Riki.
Mita Wharekino.			

E hara i te hea rite kei nga paanga te tikanga.

HE PIIRA KUA UNUHIA.—NINIHI PORAKA.—“TE TURE KOOTI WHENUA MAORI, 1894.”

I ROTO I TE KOOTI WHAKAWA TUARUA O NIU TIRENI, TAKIWA O AKARANA.

Mo te take o Ninihi Poraka, me te piira a Raina Puriri i te whakatau a te Kooti Whenua Maori, i whakaputaina i te 15 o nga ra o Hurae, 1905, i tetahi ota i raro i wahanga-tekiona (10) o tekiona 14 o “Te Ture Kooti Whenua Maori, 1894.”

HE panuitanga tenei, i runga i te whakaatu ki te Kai-rehita, a i te mea hoki kua whakaae te Tumuaki, heoi kua unuhia taua piira.

I tuhia ki Akarana, i tenei te 4 o nga ra o Aperira, 1908.

Na A. H. HORANA, Kai-rehita.

TONO KIA WHAKAPUTAINA HE TIWHIKETE I RARO I TE TEKIONA 55, WHAKATUTURU TUKU.

Tari o te Kai-rehita, Poneke, 14 o Aperira, 1908.

HE panuitanga tenei kia mohiotia ai kua tukua mai nga tono ki tetahi Kai-whakawa o te Kooti kia whakaputaina nga tiwhikete, i raro i nga tikanga o tekiona 55 o “Te Ture Kooti Whenua Maori, 1894.” whakatuturu i nga tuku e mau nei te whakaaturanga i raro iho nei. Ko nga kupu whakahe katoa mo te whakaputanga o aua tiwhikete me tuku mai ki ahau i roto i nga ra tekau-ma-wha i muri mai i te ra i perehitia ai tenei panui.

[Poneke, Tekiona 55.]

Na TE WARAHU, Kai-rehita

NGA TUKUNGA I WHAKAHUATIA I RUNGA AKE NEI.

Nama.	Te Ahua o te tuku.	Te ra i hainatia ai.	Te ingoa o te whenua.	Nga ingoa o nga tangata e whai tikanga ana ki taua whakahaerenga.
1	He mokete (1908-50) ..	31 o nga ra o Maehe, 1908	Mangaroa, Tekiona 132	Hamapiri Tarikama ki a Mary Collins.
2	He mokete (1908-48) ..	30 o nga ra o Maehe, 1908	Taraketi Nama 2D ..	Tupakihi Potaka ki a Ida Southey Carthew.

KOOTI WHAKAWA TUARUA KI PONEKE A TE 24 O NGA RA O APERIRA, 1908.

Tari o te Kai-rehita, Poneke.

HE panuitanga tenei kia mohiotia ai ka tu te Kooti Whakawa Tuarua ki Poneke a te 24 o nga ra o Aperira 1908, ki te uiui ki te whakatau hoki i te tono whakawa tuarua mo runga mo te whakataunga a te Kooti Whenua Maori e mau nei te whakaaturanga i te Kupu Apiti i raro iho nei. Ko nga tangata katoa e whai tikanga ana ki taua tono me haere ki reira a taua ra.

I tuhia i tenei te 14 o nga ra o Aperira, 1908.

Na TE WARAHU, Kai-rehita.

[Poneke, 1908-16.]

KUPU APITI.

TONO WHAKAWA TUARUA.

Nama.	Kai-tono.	Te ingoa o te whenua.	Whakataunga e tonoā nei hei whakawa tuarua.
1	Te Karauna (1907-173, 2/466) ..	Mangatainoka J Nama 4a Nama 2	Whakatuturutanga i te hoko a Karepa Waata ki a Robert Smith raua ko Mary Muriel Inness.

KOOTI WHENUA MAORI KI PONEKE A TE 25 O NGA RA O APERIRA, 1908.

Tari Kooti Whenua Maori, Poneke.

HE panuitanga tenei kia mohiotia ai ka tu te Kooti Whenua Maori ki Poneke a te 25 o nga ra o Aperira, 1908, ki te whakawa ki te uiui hoki i nga tikanga o te tono e mau i te Kupu Apiti i raro iho nei. Ki te kore te Kooti e a taua ra ka tu a muri tata atu ina watea i etahi atu o ona raruraru.

I tuhia i tenei te 16 o nga ra o Aperira, 1908.

Na TE WARAHU, Kai-rehita.

[Poneke, 1908-17.]

KUPU APITI.

TONO I RARO I TEKIONA 39 O “TE TURE KOOTI WHENUA MAORI, 1894.”

Nama.	Kai-tono.	Te ingoa o te whenua.	Te ahua o te tono.
643	William Hoban (mo te taha ki a Himiona Tahuhu me etahi atu), (Ch. Is. 15-53, 1/69)	Wharekauri .. ..	He tono kia whakaputaina atu tetahi ota hei whakatika i te mabi pohepohe, e kiia mai nei e te kai-tono kei roto i nga ota i mahia e Tiaki Etika i te marama o Hurae, 1900; e ki ana hoki te kai-tono kaore i whakaarohia tikatia nga take a Wi Tahuhu ki taua whenua, a i whakataua hetia tetahi wahi o Mairangi Poraka, wahi o Wharekauri Poraka, ki a Tipunui Toenga.

*Whakarite i te Kainga me te Ra hei Tuunga mo tetahi Huihuinga Nui o nga Mangai o nga Kaunihera Maori.*

Tari o nga Kaunihera Maori,  
Poneke, 11 o Aperira, 1908.

**K**UA pai His Excellency te Kawana ki te whakatu, i raro i nga tikanga o tekiona 29 o "Te Ture Kaunihera Maori, 1900," i tetahi Huihuinga Nui mo nga Mangai o nga Kaunihera Maori, me tu ki te Ruma Kura a te Haahi Weteriana (Primitive Methodist), Hirini Tiriti, Poneke, a me timata i te 10 o nga haora i te ata o te Turei, te 14 o nga ra o Hurae, 1908.

Na TIMI KARA,  
Minita mo te Taha Maori.

*Tuunga o te Komihana mo nga Whenua Maori ki Tauranga, Coromandel, Thames, me Rotorua.*

Kawakawa, 10 o Aperira, 1908.

**H**E whakaaturanga tenei ka tu te Komihana mo nga Whenua Maori ki nga kainga e mau ake nei nga ingoa a nga ra e whakaaturia nei:—

Ki te Whare Kooti, Tauranga, a te Turei, te 5 o nga ra o Mei, 1908, i te 10 o nga haora i te ata.

Ki te Whare Kooti, Coromandel, a te Mane, te 11 o nga ra o Mei, 1908, i te 10 o nga haora i te ata.

Ki te Whare Kooti, Thames, a te Taite, te 14 o nga ra o Mei, 1908, i te 10 o nga haora i te ata.

Ki te Whare Kooti, Rotorua, a te Turei, te 19 o nga ra o Mei, 1908, i te 10 o nga haora i te ata.

Na ROPATA TAUTE,  
Tiamana.

#### PANUITANGA.

##### PEEKE TIAKI MONI I Nga Poutapeta.

1. **E**TUWHERA ANA he Peeke Tiaki Moni i ia ra i ia ra mo te mahi tango moni mo te mahi utu moni hoki i te nuinga o nga Poutapeta Whakaputa Ota Moni i Niu Tireni, i roto i nga haora i whakahaerea ai te mahi mo nga ota moni.

2. Ko te moni hua e riro ana i te Kai-tuku Moni e £3 10s. i roto i te £100 mo nga moni tae atu ki te £300 e tukua ana e ia ki te peeke pera takoto ai, ki te neke ake nga moni i tukua peratia i te £300 tae atu ki te £600, ka heke iho te moni hua ki te £3 i roto i te £100. Kaore e utua ana he moni hua mo nga moni i neke ake i te £600 o te kautu kotahi.

3. E tino tau ana ki runga ki te Kawanatanga tonu te tikanga mo te utu hohoro i nga moni kua tukua e nga Kai-tuku Moni ki aua peeke takoto ai.

4. Ka ahei te Kai-tuku Moni ki tetahi Peeke Tiaki Moni a te Poutapeta, ki te tuku moni ki etahi atu o nga peeke pera i roto i taua Takiwa Poutapeta takoto ai, ka ahei ano hoki ia ki te tango mai i tana moni i roto i tetahi Peeke Tiaki Moni i te Poutapeta i roto i te takiwa na e marama ana hei tononga atu mana.

5. E kore rawa e whakina nga ingoa o nga Kai-tuku Moni ki nga Peeke Tiaki Moni i nga Poutapeta, te nuinga ranei o nga moni i tukua atu e ratou ki te peeke takoto ai.

6. Ka ahei nga tamariki ki te tuku moni ki te peeke pera takoto ai, ka ahei ranei kia tukua he moni ki te peeke i runga i o ratou ingoa. Ki te maha atu o ratou tau i te whitu nga

tau, ka pena ano te tikanga mo ratou me te tikanga e whakahaerea atu ana ki te hunga kua pakeke; engari ia e kore nga tamariki pera e ahei te tango atu i aua moni kia tae ra ano o ratou tau ki te whitu nga tau.

7. Ka ahei kia whakatuwheratia he Kautu Tukunga Topu i runga i te ingoa o te hunga tokorua, maha atu ranei mo te taha ki a ratou, mehemea e hara ratou i te Kai-tuku Moni i runga i te tikanga topu, motuhake ranei.

8. Ko nga tono katoa e pa ana ki te tikanga whakahaere i te mahi o nga peeke Tiaki Moni i nga Poutapeta, me nga utu ki aua tono, e puta utu-kore ana i roto i te meera.

9. Ki te hiahia te tangata kia whakamaramatia atu etahi atu kupu mo runga i te mahi whakahaere i nga Peeke Tiaki Moni, ka taea tena te tono atu ki te Rangatira o tetahi Poutapeta, te tono atu ranei ki.

TE HEKERETARI,  
I te Tino Poutapeta, i Poneke.

Te Tino Poutapeta,  
1 o Hanuere, 1907.

#### PANUITANGA.

**H**E whakaatu tenei kia mohiotia ai ka taea nga pukapuka kua whakahuatia i raro iho nei te tono atu i te Kai-ta a te Kawanatanga, i Poneke, ina tae mai te utu e tika ana, e pai ana te tuku Pane Kuini mai, noti o te Poutapeta, Ota Moni ranei.

Me ata whakaatu mai hoki te Poutapeta e tata ana ki te kainga ina ka tubia mai te pukapuka ki te Tari o te Kai-ta a te Kawanatanga:—

Te Pukapuka o nga Ture e pa ana ki te Iwi Maori, o te tau 1886. Ko te utu, 1s.

Te Pukapuka o nga Ture e pa ana ki te Iwi Maori, o te tau 1892. Ko te utu, 1s.

Te Pukapuka o nga Ture e pa ana ki te Iwi Maori, o te tau 1893. Ko te utu, 2s.

Te Pukapuka o nga Ture e pa ana ki te Iwi Maori, o te tau 1896. Ko te utu, 2s.

Te Pukapuka o nga Ture e pa ana ki te Iwi Maori, o nga tau 1897, 1898, 1899, 1900, 1901, 1902, 1903, 1904, 1905, 1906. Ko te utu mo ia pukapuka mo ia pukapuka pera mo ia tau, 1s.

Te *Kahiti* Rarangi Ingoa o nga tangata i wehea nei he rahui mo ratou i roto i te Poraka o Waimarino. Ko te utu, 1s.

Nga Korero Paremete, 1881, tae mai ki naianei. Ko te utu mo ia pukapuka mo ia pukapuka pera mo ia tau, 6d.

Te Ora mo te Maori: na Hemi Henare Popi. Ko te utu, 1s.

Te Pukapuka Rarangi Ingoa o nga Tangata o ia wawahanga o ia wawahanga o Te Awarua Poraka, whakaatu hoki i nga hea o ia tangata o ia tangata. Ko te utu, 10s.

Nga Taita Korero Whakapapa a te Maori me nga Karakia o Nehe: na Hone Waiti i mahi. Pukapuka Tua-ono. Ko te utu, 7s. 6d.

Te Tiriti o Waitangi: he tino tauria tenei. Ko te utu, 5s.

Nga Huarahi-whakahaere o te Kooti Whenua Maori: he mea ta ki te reo Maori. Ko te utu, 1s.

Huarahi-whakahaere Apiti atu ki nga Huarahi-whakahaere o te Kooti Whenua Maori. Ko te utu, 6d.

Karakia mo te Ra (te 20 o nga ra o Hune) i whiwhi ai te Kuini i te Karauna o Ingarangi. Ko te utu, 6d.

Nga Tikanga-whakahaere i raro i Wahi II o Wahanga 11 o "Te Ture Kooti Whenua Maori, 1894": he mea ta ki te reo Maori. Ko te utu, 6d.

Nga Huarahi-whakahaere i raro i nga tikanga o "Te Ture Taons Maori, 1895." Ko te utu, 6d.

Ko te Haerenga o te Manene: I tubia e Hone Paniana. Ko te utu, 1s.

I taia i runga i te Mana o te Kawanatanga o Niu Tireni, e HOANI MAKAE, Kai-ta a te Kawanatanga, Poneke.